



Vitæ D. N. Iesv Christi Monotessaron Evangelicum

Heser, Georg

Monachii, 1657

160. Parabola duodecima, Amici noctu petentis ab amico tres panes.

Nutzungsbedingungen

[urn:nbn:de:hbz:466:1-56533](#)

locum, & videret eum, pertransijt. *Luc. 10.*
v. 29. 30. 31. 32.

I I. Samaritanus autem quidam iter faciens, venit secus eum : & videns eum, misericordiâ motus est. Et appropians alligavit vulnera ejus, infundens oleum, & vinum: & imponens illum in jumentum suum, duxit in stabulum, & curam ejus egit. *Luc. 10.*
v. 33. ¶ 34.

I I I. Et alterâ die protulit duos denarios, & dedit stabulario, & ait: Curam illius habe, & quocumque supererogaveris, ego cùm rediero, reddam tibi. *Luc. 10.* *v. 35.*

I V. Quis horum trium videtur tibi proximus fuisse illi, qui incidit in latrones? At ille dixit: Qui fecit misericordiam in illum, Et ait illi IESUS: Vade, & tu fac similiter. *Luc. 10.* *v. 36. ¶ 37.*

MEDITATIO CLX.

Parabola XII. Amici noctu petentis ab amico tres panes.

I. **A** It IESUS ad discipulos suos: Quis vestrûm habebit amicum, & ibit ad illum mediâ nocte, & dicet illi: Amice, commoda mihi tres panes, quoniam amicus meus venit de via ad me, & non habeo, quod ponam ante illum; *Luc. 11.* *v. 5. ¶ 6.*

II. Et

II. Et ille de intus respondens, dicat: Noli mihi molestus esse, jam ostium clausum est, & pueri mei mecum sunt in cubili, non possum surgere, & dare tibi. *Luc. 11. v. 7.*

III. Et si ille perseveraverit pulsans, dico vobis, & si non dabit illi Surgens, eò quod amicus ejus sit, propter improbitatem ramen ejus surget, & dabit illi quotquot haber necessarios. *Luc. 11. v. 8.*

MEDITATIO CLXI.

Expositio præcedentis Parabolæ.

I. **E**t ego dico vobis: Petite, & dabitur vobis: quærite, & invenietis: pulsate, & aperietur vobis. Omnis enim qui petit, accipit: & qui quærit, invenit: & pulsanti aperietur. *Luc. 11. v. 9. & 10. Matth. 7. v. 7. & 8.*

II. Quis autem ex vobis patrem petit panem, numquid lapidem dabit illi? Aut pisces: numquid pro pisce serpentem dabit illi? Aut si petierit ovum, numquid porriget illi scorpionem? *Luc. 11. v. 11. & 12. Matth. 7. v. 9. & 10.*

III. Si ergo vos, cùm sitis mali, nōstis bona data dare filijs vestris: quanto magis pater vester de cælo dabit spiritum bonum.